

Eana- ja meahccedoalloministeriija mearrádus

guliid Gyrodactylus salaris -njoammuma leavvama eastadeami várás vuodđuduvvo ráddje- husguovllus

Eana- ja meahccedoalloministeriija lea eallidávdalága (76/2021) 37 §:a 2 ja 3 momeantta vuodul mearridan:

1 §

Mearrádusa dárkkuhus ja gaskavuohta láhkaásaheapmái

Dáinna mearrádusain vuodđudat ráddjehusguovllu guliid *Gyrodactylus salaris* -njoammuma (*G. salaris* -njoammun) leavvama eastadeapmin ja meroštallat ráddjehusguovllus čuvvojuvvon gildosiin, eavttuin, ráddjehusain ja geatnegasvuodain.

2 §

Meroštallamat

Dán mearrádusas oaivvildat guliin badjeluohtá *Agnatha* sihke luohkaide *Chondrichytes*, *Sarcopterygii* ja *Actinopterygii* gullevaš dollojuvvon dahje luonddudili čáhcealliid, ii goittotge daid sohkašalaid.

3 §

Ráddjehusguovlu G.salaris-njoammuma leavvama eastadeapmin

Ráddjehusguovllu *G. salaris* -njoammuma leavvama eastadeapmin (*ráddjehusguovlu*) dahket Suoma čázadatguovllut Deanu ja Njávdáma čázadatguovlluid vuhtii válddekeahhtá.

Ráddjehusguovlu juohkašuvvá guovtti guvlui:

- 1) Báhcaveaji, Uvdujoga ja Doallánjoga čázadatguovllut (*dustenguovlu*); ja
- 2) dustenguovllu olggobeale ráddjehusguvlui gullevaš čázadatguovllut (*aitosaš ráddjehusguovlu*).

4 §

Gielddus sirdit ealli guliid ráddjehusguovllus eret ja ráddjehusguovllu siste

Ealli guliid sirdin ráddjehusguovllus Deanu ja Njávdáma čázadatguovlluin ja aitosaš ráddjehusguovllus dustenguovlui lea gildojuvvon.

5 §

Guliid sohkašalaid sirdin ráddjehusguovllus eret ja ráddjehusguovllu siste

Guliid sahkanahtton sohkašalaid oažžu sirdit ráddjehusguovllus Deanu ja Njávdáma čázadatguovlluide ja aitosaš ráddjehusguovllus dustenguovlui dušše dainna eavttuin, ahte meadđen lea

easkka bahččojuvvon ja čalbmečuokkesdásis giedahallon vugiin, mii duššada meaddema alde vejolaččat lean *G. salaris* -luhtehasaidd.

6 §

Fápmui boahtin

Dát mearrádus boahtá fápmui 21 beaivve cuoŋománus 2021.

Helssegis 13.4.2021

Eana- ja meahccedoalloministtar Jari Leppä

Ráddádalli virgeolmmoš Kajsa Hakulin